

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## যুক্তরাষ্ট্রের রাষ্ট্রদূত ড্যান মজীনার বক্তব্য বিবিয়ানা বিস্তৃতিরণ প্রকল্প শেভরনের চূড়ান্ত বিনিয়োগ সিদ্ধান্ত ঘোষণা

রূপসী বাংলা হোটেল, ঢাকা  
৩০শে জুলাই, ২০১২

মাননীয় প্রধানমন্ত্রীর জ্বালানি উপদেষ্টা ড. তৌফিক এলাহী চৌধুরী

মাননীয় জ্বালানি প্রতিমন্ত্রী মোঃ এনামুল হক

পেট্রোবাংলা চেয়ারম্যান ড. হসেইন মনসুর

শেভরণ বাংলাদেশের প্রেসিডেন্ট জেফ স্ট্রং

বন্ধুগণ, সহকর্মীগণ ও সুধীবৃন্দ

আসসালামু আলাইকুম, শুভ অপরাহ্ন, রমজান কারিম

এটা একটি মহান মুহূর্ত, একটি চমৎকার মুহূর্ত, বাংলাদেশের জন্য এবং শেভরনের জন্য একটি ঐতিহাসিক মুহূর্ত।

আজ শেভরন বিবিয়ানা গ্যাসক্ষেত্রে উৎপাদন বৃদ্ধির জন্য ৫০ কোটি ডলার বিনিয়োগ করার চূড়ান্ত সিদ্ধান্ত ঘোষণা করছে। এটা বাংলাদেশের উন্নয়নে নিঃসন্দেহে একটি বিশাল পদক্ষেপ। গ্যাসের এই বর্ধিত সরবরাহ দেশের শিল্পকারখানা, বিদ্যুৎ কেন্দ্র ও গৃহে জ্বালানি সরবরাহে সহায়তা করবে। একটি মধ্য আয়ের বাংলাদেশ, একটি সোনার বাংলাদেশ গড়ে তোলার এদেশের প্রয়াসে জ্বালানির এই বর্ধিত সরবরাহ অপরিহার্য। বাংলাদেশের আগামীর এশিয়ান টাইগার, বেঙ্গল টাইগার হয়ে ওঠার পথে বাংলাদেশের সঙ্গে শেভরনের গভীর অংশীদারিত্ব গুরুত্বপূর্ণ অবদার রাখবে।

শেভরনের এই বিনিয়োগের সিদ্ধান্তের মাধ্যমে বাংলাদেশের ভবিষ্যতের প্রতি প্রতিষ্ঠানটির বিশ্বাস ও বাংলাদেশের প্রতি শেভরনের দীর্ঘমেয়াদি নিবেদন গুরুত্বারোপ করা হচ্ছে। এই নতুন বিনিয়োগ বাংলাদেশের সঙ্গে শেভরনের কাজের সদ্য নতুন বহিঃপ্রকাশই কেবল। এপ্রিল মাসে মাননীয় প্রধানমন্ত্রী যখন বিদ্যমান পাইপলাইনের বহন ক্ষমতা বর্ধক মুচাই কম্প্রেশন স্টেশন উদ্বোধন করেন তখনও আমি উপস্থিত ছিলাম।

আমার নিকট দীর্ঘদিনব্যাপী ইতিবাচক ভাবমূর্তি নিয়ে পরিচিত প্রতিষ্ঠান শেভরন আমেরিকান শিল্পকারখানার শ্রেষ্ঠ সংস্কৃতির প্রতিনিধিত্ব করে। আধুনিক প্রযুক্তি, সুদক্ষতারে গড়ে ওঠা নেতৃত্ব ও ব্যবস্থাপনা প্রণালীর ব্যবহারে শেভরণ বাংলাদেশে একটি

শক্তিশালী দল গড়ে তুলেছে যা দেশের ব্যবহৃত গ্যাসের প্রায় ৫০ শতাংশ সরবরাহ করে। শেভরনের সদ্য ঘোষিত বিনিয়োগ বাস্তবায়িত হলে প্রতিষ্ঠানটি দেশের সমৃদ্ধি ও প্রবৃদ্ধিতে আরো অবদান রাখবে।

শেভরন একটি আদর্শ প্রাতিষ্ঠানিক নাগরিক কাঠামো। এই প্রতিষ্ঠানটি বাংলাদেশের কর্মীদের অত্যাধুনিক প্রযুক্তি ও ব্যবস্থাপনা দক্ষতা দিয়ে প্রশংসিত ও উন্নত করে তুলেছে যাতে বাংলাদেশীরা বাংলাদেশ ও বিশ্বব্যাপী জুলানি উন্নয়ন ক্ষেত্রে সকল দক্ষতা পর্যায়ে অবদান রাখতে সক্ষম হয়। শেভরন পরিবেশ সম্বন্ধে সদাসচেতন। প্রতিষ্ঠানটি বাংলাদেশের জুলানি সম্পদের উন্নয়ন এমনভাবে করে যাতে বাংলাদেশের পল্লী এলাকায় শিল্পকারখানা স্বল্পতম ছাপ সৃষ্টি হয়। শেভরন কম্যুনিটি পর্যায়ে বেশ উদার; এটা শিক্ষার প্রসার, স্বাস্থ্যসেবা প্রসার, ক্ষুদ্র ব্যবসা উন্নয়ন ও পরিবেশের প্রতি সম্মান প্রদর্শন করে। শেভরন ইউএসএআইডি ও সূর্যের হাসি ক্লিনিকে সহায়তা প্রদান যায়। শেভরন যেসব জনগোষ্ঠীর সঙ্গে জড়িত এবং সেগুলোর বাইরে, উভয় ক্ষেত্রে এসব ও অন্যান্য কার্যক্রম ৩০,০০০ বাংলাদেশী পরিবারের জীবনকে প্রভাবিত করেছে।

আমাদের অন্যতম শ্রেষ্ঠ প্রতিষ্ঠান শেভরন বাংলাদেশকে আসন্ন দশকে মধ্য আয়ের দেশের উপাধি অর্জনে আরো বেশি অবদান রাখতে সচেষ্ট বলে আমি বাংলাদেশে আমেরিকার রাষ্ট্রদূত হিসেবে অত্যন্ত গর্বিত।

আমি শেভরন, পেট্রোবাংলা, বাংলাদেশের সরকার ও বিশেষ করে এই চমৎকার দেশের মানুষকে আজকের এই ঐতিহাসিক দিনে সাধুবাদ জানাই। আজ এমন একটি দিন যেদিন সোনার বাংলাদেশের বেঙ্গল টাইগারের বৈশ্বিক অর্থনৈতিক অঙ্গনে গর্ব ও আত্মবিশ্বাসের সঙ্গে হেঁটে চলার দিনের প্রতি অগ্রযাত্রা ত্বরান্বিত করার প্রক্রিয়া শুরু হয়েছে।  
ধন্যবাদ।

=====

\* বক্তৃতার জন্য প্রস্তুতকৃত

জিআর/২০১২